

# Парти кўчтә селм

Халымг таньгъчин партийн организацин оргбюро болн кўч - кўлсчирин депутатрин Халымг таньгъчин Советин кўцәгч комитет, негдгч номернь гарчах өдртнь „Халымг үнн“ — газетиг халунар йөрәдж, редакция кўдлджәх улс ик дилвртә уулдвр бәртхә гиджәнә.

Урднь болхла ик болн тургсн тууджта „Халымг үнн“ — газет шинәс гарлгън, мана таньгъчин кўч-кўлсчирин политическ болн культурн джиргьлднь йилгьвртә ик чинртә йовдл.

Халымг келәр гардг газет гражданск дәәнә гал дотр, халымг түрүн мөртә цергин дәәч йовдлинь дахдж үүдәд, сургьулин — дасмджин ик гидг чинр зүүддж, халымг оln әмтн шин бәәдлин, эврәннь джиргьлин, алдр Ленинә кергин төлә ноолдхднь тус кўргсн.

Халымг советск литературин туудж, энүнә сән халхинь чирацүлджәх халымг кесг оln билгтә поэтнр болн бичәчирин нерн, кев-янзарн келн-әмтнә, үндсн чинрәри социалистическ культур өсдг-өргджлгън, келн әмтнә эрдм, халымг оln әмтнә кўч - кўлснн туурлгън, энүнә аргь-чидлән әрвллго кўдлгън — цуг эн тоотс газетин бүрдәгч нилчтә, тасрхан уга залгьлдата төр бәәсмн.

Коммунистическ партин Централън Комитетин боln мана төрскн Советск правительствин шиидврәр халымг келн-әмтнә автономий тогтад, эврә экономик болн культур түргәр өсдг - өргджүлх ик эв-аргь сәкгдсн цагт, эн халымг оln әмтнә джиргьлд тууджлгч өдрмүдт, газетин хамцулгч агитатор, пропагандист болн бүрдәгьәч болгч нилчнь келәд үнлхд берк болджана.

Халымг оln әмтн болн мана таньгъчин цуг кўч-кўлсчнр, халымг келн-әмтнә автономий тогталгъна тускар Парть болн Правительств гаргьсн шиидвриг ик байртагьяр болн ханл-

**Халымг таньгъчин парторганизацин оргбюро.**

ттагьяр эн иим ик итквриг хәрүлхәр эврәннь кўч-кўлсән, эв-аргьан әрвллго кўдлх санан-седкләр дүүрннь бәәцхәнә.

КПСС-ин XX-ч съездин тууджлгч шиидврмүд кўцәхд, таньгъчин кўч-кўлсчнр агсад, әдниг эврәннь социалистическ Төрскндән, Коммунистическ партид болн Советск правительствд заг угагьяр дуртад сургьддж, советск патриотизм делгрүлдж, мана алдр төрскнә цуг оln әмтнә ах-дүүгьин ни үүрлгь болн эвдрш уга ниинцньгьү бәәлгьиг цуцрлтан угагьяр батлдж, „Халымг үнн“ — газет советск Халымгин экономик болн культур улм цааранднь цецглүллгънә төлә ноолданд партийн болн советск организацсин йоста нөкднь болдж гарх зөвтә.

Коммунистическ обществ тосхлгънд шунлттагьяр орлцдж, кўч-кўлсән өгсн, тенүнә омдгън нилчинь, кегьәд кўцәсн үүлдвринь, халымг әмтнә сән тоотинь, таньгъчин кўч-кўлсчирин цугьараннь, советск кўмн улсин урд цага баатр йовдлинь, өдгә цагин сәәхн джиргьлинь, тенүнәс үлү сәәхн иргч джиргьлинь, таньгъчин эдл-ахугьин болн эрдм-герлин тосхлтиг, үлгүр үзүлдж кўдлдг улсин дамшлтиг, — эн хамг төриг өргн делгүгьяр газет барлдж, әмтнд үзүлх зөвтә.

Урднь бәәсн „Таньгъчин зәнъ“, „Улан Халымг“ гидг халымг газетсиннь сәәхн тууджиг улм өсдг, цуцрлт угагьяр цааранднь делгрүлдж, „Халымг үнн“ — газет Ленинә ухаг, партин нег мөсн седклин тугиг өбдән өргдг, дугудундла ноолдлгъна кўчтә бат зүрктә дәәч болх, өмнән бәәх өргн ик нилчтә үүлдврән бахмджтагьяр кўцәх гидж Халымг парторганизацин оргбюро болн кўч-кўлсчирин депутатрин Халымг таньгъчин Советин кўцәгч комитет баттагьяр ицдж бәәцхәнә.

**Халымг таньгъчин кўцәгч комитет.**